


誌
銘
廣
例





誌銘廣例

梁玉繩著

編主五雲王

編初成集書叢

例 廣 銘 誌

中華民國二十五年十二月初版

著 者 梁 玉 繩

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

第

誌銘廣例

清 錢塘梁玉繩著

凡刻石顯立墓前者曰碑。曰碣。曰表。惟納於壙中。謂之誌銘。自有誌銘。而例因之以起。元潘蒼崖輯金石例十卷。明王止仲撰墓銘舉例四卷。餘姚黃梨洲著金石要例一卷。德州盧氏彙梓以行世。然標采雜錯。兼多漏略。覽者病之。余據耳目所及。別其類而補其遺。摘舊增新。次爲廣例二卷。廣變例也。碑表非誌銘而例有從全故并舉之嘉慶元年丙辰六月。

卷一 體式六十五例

卷二 書法二十三例

誌銘緣起

洪景伯隸釋謁者景君墓表跋。深譏王儉石誌不出禮典。近起元嘉之言爲非。蒼崖金石例。遂歷引諸書。辨墓誌始自殷周。夫博通如儉。豈不知之前賢。未經循審耳。案南齊書禮志。皇太子穆妃薨。有司奏大明故事。太子妃元宮中有石誌。參議墓銘。不出禮典。宋元嘉中。顏延之作王球石誌。素族無碑策。故以紀德。自爾以來。王公以下。咸共遵用。儲妃之重。禮殊恆列。既有哀策。不須石誌。是專指妃墓埋銘。不出禮典。非謂宋以前無墓誌。且亦非王儉一人之議也。而所云元嘉以來遵用者。因魏晉之世。禁斷立碑。

至劉宋時禁漸弛。故舉顏作王誌爲說。

誌銘解

墓石之文。分言之。則前序爲誌。韻語爲銘。通言之。則誌卽是銘。銘卽是誌。漢聞熹長韓仁銘。乃令牒無韻語。而謂之銘。韓文公法曹張君誌銘。敘次其族世名字。事始終。別無銘辭。而曰是爲銘。虞部張季友。考功盧東美。襄陽盧丞。司法李楚金。博士李于。諸篇皆然。止仲舉陳了齋侍郎鄒公埋銘。序而無銘。惟結以某官陳某敘次一語。葉適水心集媛女瘞銘。只敘其病夭卒葬。結以龍泉葉某記一語。是誌卽銘也。柳河東集中諸誌。皆有銘辭。而題止稱誌。白香山范陽張公仲方墓誌亦然。文選任彥升劉先生夫人墓誌。無誌但銘。而題獨稱誌。蘇文忠李太師墓誌。朱亥墓誌亦然。是銘卽誌也。六朝人文集往往銘而無誌。韓文公試大理評事胡君墓銘。盧渾誌銘。皆銘而不序。故又有誌文之末不加銘曰二字者。如隸釋李翊碑。隸續郭君碑。王蘭泉侍郎。金石萃編。北魏司馬元興誌銘。懷令李超誌銘。俱無銘曰二字。

誌銘異稱

宋書禮志。漢以後天下送死者。靡多作石室石獸碑銘等物。建安十年。魏武帝下令。不得厚葬。又禁立碑。高貴鄉公甘露二年。大將軍參軍太原王倫卒。倫兄俊作表德論。以述倫美。云祇畏王典。不得爲銘。乃撰錄行事。就刊于墓之陰。此以論爲誌銘也。

歐陽公集古錄。宋宗愨母夫人墓誌。其後云。謹牒子孫男女次第名位婚嫁如左。漢韓仁銘是令牒。此以牒爲誌。

也。

蔡中郎議郎胡公夫人哀讚云。仰瞻二親。或有神誥靈表之文。作哀讚。書之於碑。歐陽公胥夫人墓誌云。爲哀詞一篇。藏諸墓。曾南豐蘇明允哀詞云。刻之於冢上。宋文鑑。張橫渠爲弟張天祺誌銘云。其兄載以報葬。不得請銘他人。手疏哀詞十二。各使刊石置壙中。示後人知德者。攀號之不足。又屬辭爲之誌。此以哀讚哀詞爲銘也。

隸釋雍勸碑刊石稱頌祝睦後碑。前稱頌曰。後稱辭曰。朱龜碑文末云。立碑作頌。高頤碑因作頌曰。金石萃編北魏司馬景和妻誌文末云。式述清高而爲頌。隸釋益州太守無名碑。前稱辭曰。後稱亂曰。巴郡太守樊敏碑。文後有辭曰。又有亂曰。李翊夫人碑。前有辭曰。後有歎曰。楊孟文頌。前有辭曰。後有序曰。隸續都鄉孝子嚴舉碑。文後有頌曰。又有亂曰。樊敏以下皆韻語韓文公施先生墓銘。前稱辭曰。後稱系曰。河東節度觀察使滎陽鄭公神道碑。前稱韓愈刻其墓碑曰。後稱系曰。元微之杜子美誌銘。前稱絃曰。言其詩。中稱系曰。言其世。次官位。末爲銘曰。此皆古人隨意爲之。其他漢唐墓石之文。多以銘曰爲辭曰。則不勝舉矣。

銘後有系

梨洲云。楊炯成知禮神道碑銘。後有系曰。若楚辭。別自一體。玉繩案隸釋綏民校尉熊君碑。銘詞之後。提行。又有追絃君兮一段。北海相景君太守樊敏孝廉柳敏諸碑。銘後皆有亂曰一段。楊碑倣漢製也。

誄全誌銘

梨洲云。誄亦納于壙中。故柳州虞鶴鳴誄云。追列遺懿。求諸后土。誌銘亦可謂之誄。元鄭師山爲洪頤誌銘云。其門人俞溥狀其言行。俾爲之誄。以識其葬。玉繩案金石錄費鳳碑。追而誄之。隸釋景君銘。乃作誄曰。隸續嚴訢碑。故著名誄。是以誄爲銘也。校官碑前稱誄曰。後稱敘曰。是又以誄爲散文。以敘爲銘也。柳鄭蓋用漢例。

以別序當誌銘

司馬溫公序劉道原十國紀年。不復志其墓。令其子義仲。卽以序勒石納諸壙。此創例也。全謝山太史望作錢退山侍御東村集序。卽援此例。以序納之墓中。

畫像作誌銘

全謝山跋四明尊者教行錄云。古人有畫像記畫像贊二種。獨宋慶元庚申。沙門善月爲四明尊者法智作像誌銘。是文章體例中所未有也。

行狀爲碑

全謝山云。輿地碑記目。廬州有唐旌表萬敬儒孝行狀碑。化州譙國夫人冼氏廟有行狀碑。乃知行狀亦碑版文字之一。而高僧尤多以行述刻碑。或直謂之墓狀也。

題無定稱

題爲文之綱。然古無一定之例。或稱先生及私諡別號。而不書其官。或略其官而字之。或直書其名。或止書其氏。今人不能倣也。止仲舉朱文公劉十九府君誌銘。題書其第。曾南豐亡妻宜興縣君文柔晁氏誌銘。婦人而題書其字。則皆僅見者。凡題曰元堂。誌曰窆域。誌曰葬誌。曰墓誌。曰厝誌。曰祔誌。曰殯誌。曰葬記。曰墓記。曰塋兆記。曰壙記。曰墳記。曰石記。曰碑記。曰塔記。曰壙銘。曰埋銘。曰瘞銘。曰墓磚銘。曰墓版文。曰石槨銘。名雖不全。俱誌銘之類耳。歐陽公瀧岡肝表題以地書亦僅見。

題書郡望

金石萃編。天寶七載潘智昭誌銘。題云唐故吏部常選廣宗郡潘府君墓誌銘。王蘭泉云。誌銘從未有以郡望冠其姓而題于前者。以爲異例。

題用墓字異

韓文考異。中散大夫少府監胡良公墓神道碑。莆田方氏云。神道碑不著墓字。惟此有之。變例也。玉繩案。胡公諱响。字潤博。張籍妻父。題中良字。不可解。方本無良字。當是方氏名崧。卿字季申。

題與文分兩人

止仲云。撰文製題。皆出一手。無別製題者。朱文公篤行趙君彥遠墓碣銘云。福國陳公大書其碣之首曰。皇宋篤行趙君彥遠之墓。而子某使人奉狀請銘。而刻諸下方。則撰文製題出兩人矣。此與篆額不全。

題分兩稱

開元三年四月馮十一娘誌銘。題云將作監主簿孟友直女墓誌。額云唐故馮氏婦墓誌之銘。見臨海洪頤煊平津讀碑記。

題書文略

姓氏官位已見於題。則文中略而不書。北魏司馬元興誌銘。題云魏故甯朔將軍固州鎮將鎮東將軍漁陽太守宜陽子司馬元興墓誌銘。而文但敘事。無一言及其官。韓文公劉統軍獨孤少監鄭郎中董刺史崔評事諸誌銘。柳河東張中散誌銘。歐陽公孫侍制誌銘。皆不書姓。以題已著之。不再出也。亦有見于文而路于題者。金石萃編北魏司馬晒夫人誌銘云。夫人姓孟。字敬訓。清河人。而題云司馬景和妻墓誌銘。不著其妻姓矣。

題書僧姓

金石萃編大歷三年義琬禪師誌銘。題云唐故張禪師墓誌銘。題書其姓僅見。但文中稱俗姓董氏也。

題書妻合葬

黃梨洲閩百詩汪堯峰諸公皆言古人合葬。題不書婦。蓋女統于男之義。至明李空同集始有合葬字。王遵巖一輩乃有暨配字。先曾祖考妣墓誌銘。董浦杭先生駿代溧陽史文靖公撰。先文莊公嘗以題書暨配合葬爲疑。先生復書曰。梨洲黃氏云。婦人從夫。故誌合葬者。其題只書某官某公志銘。或墓表。未有書暨配某氏也。引張說爲蕭灌楊炯爲王義重兩神道碑爲證。且曰。自唐至元。皆無夫婦全列者。徐

司寇作讀禮通考。據其舅氏亭林先生所撰金石文字記。有澤王府主簿梁府君并夫人唐氏墓誌銘。四品孫義陽朱賓撰。唐武后垂拱四年十一月也。又滎陽鄭府君夫人博陵崔氏合祔墓誌銘。秦貫撰。宣宗大中十二年二月也。據此則古人亦有書婦者矣。黃氏良由未見兩碑。輕易詆駁。未可卽爲定論。閣下太夫人先歿。歷二十年。朝廷復有贈典。照耀遠近。固當鄭重。特況梁府君又君家之前事乎。但其志新出。終南山榿梓谷土中。鄭志得之魏縣上中梁志出榿梓谷黃氏未及見。王遵巖處士陳東莊公暨配黎氏墓表。魏叔子楊一水全配嚴孺人合葬墓表。袁君泰徵全配吳節母合葬墓誌銘。二公皆名能古文者。其文炳見於集中。如有譏我者。可援以相證矣。古人行文與作事。皆有就簡之理。何謂就簡。其一夫一婦固已。人有再娶至三四娶者。吾鄉沈端恪公蓋嘗五娶。皆已前歿。神道之碑。亦鄙人所撰。若皆列則額隘而不可篆。其皆削而不列。亦事勢然也。或夫在而妻先卒。別爲立碑。昌黎爲都統韓弘妻撰銘是也。或子爲母刻石。臨川爲楊學士母撰誌銘是也。其首必冠以某官某之妻。誠有如黎洲黃氏所云。至於夫自立碑。或書配某。或不書。則因乎其人。因乎其時。於禮無礙。原無一定之製。亦無一定之例也。而爲金石之例者。必沾沾執一例以相繩。不亦慎乎。鄙人文不足重。閣下聲華爵位爲海內所具瞻。旣不爲例所拘。又有所據依。而非出於獨創。斷然行之。可無疑也。玉繩案。王咸陽金石遺文。唐故幽州良鄉府折衝都尉上柱國宏農楊府君夫人穎川陳氏誌銘。其略云。君諱惠策。閩鄉人也。夫人穎川陳氏。並登偕老。俱享延齡。府君年九十大。歷十三年三月十四日卒。夫人八十七。永泰二年八月十八日終。以大歷十

三年歲次戊午十一月七日合葬于本縣望鄉里之平原金石萃編開成六年唐貝州永濟縣故馬公名郝氏二夫人誌銘會昌四年尹府君朱夫人誌銘樓鑰攻媿集朝請大夫吳公并碩人姚氏誌銘叔祖居士并張夫人誌銘韓元吉南澗稟沈氏考妣誌銘蓋明人所本不獨朱秦兩碑爲然

誌不可冗

洪容齋四筆云東坡爲張文定公作墓誌銘有答其子厚之書云志文路中已作得太半到此百冗未絕筆計得十日半月乃成然書大事略小節已有六千餘字若纖悉盡書萬字不了古無此例也知之知之蓋當時恕之意但欲務多耳今志文正本凡七千一百字銘詩一百六十字予鄉士作一列大夫小郡守行狀九千言衢州士人上書二萬言讀之豈不厭倦作文者宜戒之太僕陳先生兆嘗謂余曰冗固不可若事有足書雖長何害兩漢列傳有一人而分兩卷者不得以爲冗也

書先世無例

閻氏潛邱劄記云凡敍人家世皆自曾祖以下無及高祖者聞及高祖亦必其人其事足書非空空僅及其名諱而已董浦先生嘗譏其不知例以爲漢唐以來或歷舉世次或錯舉遠祖或書始祖始遷祖或從高祖起或從曾祖起或止書祖父或止書父或先世概不書只述本身無一定也

先世書官不名

東漢碑多不書先世名諱趙德夫云爲子孫作銘不欲名其父祖此最得體玉繩案集古錄金石錄隸釋

隸續所載漢碑。皆書官而不書名。亦是當時一例。檢文苑英華及金石萃編。隋以前猶如此。至唐則罕見矣。

文不書諱

隸釋。故民吳仲山碑。字而不名。袁簡齋明府枚隨園隨筆。唐天寶時張府君誌銘。但稱字。希古不書其名。然猶字之也。東坡李太師墓誌。名與字皆逸之矣。乃又有曰某者。洪容齋三筆云。碑誌之作。本孝子慈孫欲以稱揚其父祖之功德。播之當時。垂之後世。當直存其名。字無所避隱。然自唐及本朝。名人文集。所志往往只稱君諱某字某。至於記序之文亦然。王荊公爲多。殆與求文揚名之旨不相契。

銘用散文

止仲云。韓文公河東節度觀察使滎陽鄭公神道碑。歐陽公長安郡太君盧氏誌銘。王介甫太常博士會公誌銘。尹師魯將仕郎守瀛州樂壽縣尉任君誌銘。大中大夫尙書屯田郎中分司西京上柱國王公誌銘。三班奉職尹府君誌銘。曾南豐刑部郎中張府君神道碑。以議論爲銘辭。而不用詩。是一例也。玉繩案。葉水心集。如郭良臣。蔡待時。姜處恭。丁希亮諸誌。皆以無韻散文爲銘。

以誌體爲銘

柳仲塗宋故和州團練使李侯誌銘。惟王建侯甯邦國。曰咨爾守節。爾之良。予其耿乃休光。爾之紊乃成。績。顛隕其追。弗庸克自及。予將其賦汝。汝侯于乃單。單惟政有成。汝其遷于濟。濟既五年。始來朝。曰西

北晉姦也。汝居遼以捍之。久弗易厥初。民兵且完。曰東南吳臣也。汝徙和以接之。逮明年。侯死。有仲曰鈞。歸侯于濟。冬定葬於西。客有誌且銘之者。此文代夢壽作故云客曰晉陽李氏者。侯之姓也。曰守節而得臣者。侯之名且字也。太尉贈封曰植者。侯之曾祖也。太師贈封曰益者。侯之王父也。潞相潞三節度曰筠者。侯之先也。東頭供奉而追皇城使者。侯之四命而職於內也。始于單而訖于和。曰團練使者。侯之四封而牧於外也。起仕于周而暨我宋者。侯之歷兩朝而臣三帝也。十五年學于家。而十八年位于世者。侯之壽三十有三也。歲辛未而春戊辰者。侯之薨。曰開寶四年二月二日也。冬季庚寅而襄事者。侯之于是歲而封于墓也。二季掌後而主喪者。侯之無子男而有女也。哭室而奠帷者。侯之妻曰符氏也。某州某縣某里者。侯之先塋。今從葬也。撫辭而書石者。侯之館客臧丙夢壽也。

撰銘如誌

敘事在韻語中。此體蓋始於韓文公劉統軍碑。止仲黎洲所舉韓柳歐王諸篇。世系名字。鄉邑歷官。壽年葬地。雖見於銘。然皆短章數韻。茲不重述。只取序略銘詳者數家摘而載之。

劉統軍碑。唐故陳許軍節度使。金紫光祿大夫。檢校尚書左僕射。兼御史大夫。右龍武統軍。彭城郡開國公。食邑二千戶。贈潞州大都督。劉公諱昌裔。字光後。薨既葬。將反机於京。舍於墓次。故吏文武士門人送客訖事。會哭將退。咸顧戀牽連。一口言曰。自我公薨至葬。凡所以較德悼勤者。莫不粗完。隱卒崇終。有都督之詔。日事時功。以著不可誣。有太史之狀。太常之狀。有諡有誥。有幽堂之銘。又如卽外碑刻。

文以詩顯之。其於傳無已。豈不益可保。於是相許諾。以告其孤縱。縱哭捨杖拜曰。縱不敢違。則相與刻銘文曰。劉處彭城。本自楚元。陽曲之別。繇公祖遷。公會祖考。爲朔州守。祖令太原。仍世北邊。樂其高寒。棄楚不還。逮於公身。三世晉人。公生而異。魁顏鉅鼻。幼如舒退。少長好事。西戎乘勢。盜有河外。公雖家居。爲國暗噫。來告邊帥。可破之計。楊琳爲橫。巴蜀靡彫。公由游寄。單船諭詔。折其尾毒。不得動搖。琳後來降。公不有功。終琳之已。還臥民里。蓋古有云。人職其憂。無事於職。而與國謀。德宗之始。爲曲環起。奮筆爲檄。強寇氣死。決敗算成。效於屈指。環有許師。公遂佐之。蘇民軋敵。多出公畫。累拜郎中。進兼中丞。雖在陪貳。天子所憑。蔡卒幸喪。圍我許郭。新師不牢。勳勤將逋。公爲陳方。應變爲械。與之上下。寇無所賴。遂至遁敗。以功遷陳。實許之半。聲駕元侯。以勢自憚。復入居許。爲軍司馬。脫權下威。士心益歸。卒嗣環職。業惡崇德。乃與蔡通。塗其荆棘。稚耄嬉遊。連手歌謳。上無可怨。下無與讎。旣長事官。峻之大夫。其儂未塞。僕射以都。及癸巳歲。秋涌水出。流過其部。破民廬室。公卽疏言。此皆臣憊。防斷不補。濟民於泉。臣耄且疾。宜卽大罰。上曰。燭害大臣。其來允余之思。其可止哉。驛隸走呼。有中使來。公迎於驛。遂行不迴。六月降熟。上下歛絕。公鞭公驅。去馬以輿。公病日惡。不能造闕。仆臥在宅。閔有加錫。命爲統軍。龍武之右。兼官左相。百僚長首。冬十一月。日將南至。公遂薨。年六十二。奏聞。怛悼。俾官臨弔。悲不聽朝。贈督潞州。存歿之賚。於數爲優。明年九月。東葬金谷。公往有命。匪後人卜。王介甫。梅公神道碑。宋翰林侍讀學士。正奉大夫。行給事中。知許州。軍州事。兼管內堤堰橋道勸農事。上柱國。南昌郡開國公。食邑

二千三百戶。食實封六百戶。賜紫金魚袋。梅公之墓。在宣州宣城縣長安鄉西山里。公有五子。鼎臣、德臣、實臣、輔臣、清臣。清臣今獨在。爲尙書司門郎中。以公行狀及樂安歐陽公之銘來。請文以刻墓碑。時熙甯元年八月四日也。銘曰。公先梅伯。後氏其國。彌周涉秦。不見史策。有銷有福。著漢名籍。公福之孫。詢字昌言。三世弗仕。陵陽之里。公第廷中。判官利豐。再歲而擢。以丞將作。以宰仁和人。舉用多。主推御史。侍考進士。一見天子。以爲知己。詔曰。試哉。遂試中書館之集賢。賜服緋魚。於時繼遷。兵我西鄙。老弱餽守。丁彊多死。靈州告□。視不怡。公請擇人。使潘羅支。兵法所謂。以夷攻夷。帝曰。誰□。無如臣者。曰。予汝嘉。閉陷奈何。公拜且跪。颺言而起。苟紆□師。臣不愛死。出書授之。往訖爾謀。至疆勅還。會棄靈州。帝察公藝。可書帝制。相或止之。留佐三司。其後羅支。果窳西賊。論將料敵。皆如所策。或從或違。或擠或推。哲合阻夷。神者公尸。黜之倅州。用獄一眚。去杭而蘇。列國東屏。漕輸澗河。就付將領。三年告功。僅得故省。又以譴投。守彼淮州。有僚許公。相得於此。與之欣然。樂以忘徙。使於湖北。遷自濠梁。又奪一官。往裨於襄。坐發驛馬。給奔喪者。於鄂於蘇。剖將之符。握節關中。使總其輸。煌煌金章。厥錫特殊。謀復靈武。度兵葫蘆。秦有將璋。諾公與俱。會璋召還。公復淪胥。有反咸陽。能名氏朱。始雖弗察。後捕而誅。自懷徂池。再副戎車。真宗新陟。罪垢皆滌。爲郎度支。以將廣德。外更四州。楚壽陝荆。乃還待制。中糾獄刑。有歸龍岡。其唐殖殖。就以學士。專其閤直。輟之銓衡。乘傳臨并。超遷郎秩。進植樞密。趣歸封駁。考國中失。申命選事。得權進緇。加職侍讀。改司羣牧。移之審官。審是在服。伐閱積遷。給事於中。告疾出許。鼓歌從容。

方公少壯志立人上。談辭慨然。帝悅而嚮。及後晚出。皆爲將相。公則老矣。將歸田里。康定辛巳六月。日公七十八。以其官卒。公開南昌勳爵第一。夫人曰劉。不及郡封。封君彭城。其卒先公。公卒明年。季秋。挾日於州山西。卜祔而吉。公有四子。伯爲進士。丞於殿中。與仲前死。仲賜科名。叔也。皆丞。將作殿中。或廢。或興。有顯。惟季時丞衛尉。今爲郎中。論序初終。實來求詩。刻示無窮。虞部郎中晁君誌銘。尙書虞部郎中晁君諱仲參。字孝先。以治平四年五月九日卒於通判舒州事。其子以熙甯二年正月二十九日。卜濟州任城縣諫議鄉呂村之原。以葬。狀君之行來乞銘。掇其語爲銘曰。晁望潁川。衛有卿丙。錯以循用。作漢家令。魏晉南北。史無傳人。良正官唐。仍不大振。開封于家。徙鉅野縣。辟時藹屯。出宋而顯。迴奮布衣。太子太師。宗懋秉政。父子一時。三朝四世。錫榮正墓。佞令中書。爲君曾祖。有子迪者。刑部侍郎。乃生宗簡。世德孔揚。使京東西。郎于刑部。君實其嗣。少則多譽。仲父保任。主簿上虞。宰墨隱政。易君仕初。從容調。晷吏莫玩法。墨以廉終。弱伸強懾。按察擾獄。夙如我謀。君不爲奪。械囚于州。將范文正。歎愛而謂。畏宜繩私。公勇勿畏。君願持此。畢身無尤。薦監越酒。旋宅父憂。判官于滌。擢丞大理。汝州郟城。來知縣事。富姓賅吏。寓田勢家。役煩且窘。中戶愁嗟。君哀僞券。應手卽辨。完蠹噓枯。俗戒以勸。秦王諸孫。上冢入郛。卒榜驛隸。君擒而誅。將勅中人。匿車夜遁。移內侍省。罪令卽訊。迄明年。至徒御無譁。能聲震越。號稱其家。易曹濟陰。太子贊善。督尉索盜。里閭宴衍。馬入罷牧。地租于民。廚傳費劇。輸之殆貧。君曰。閱哉。責豈無豫。操書鑄守。多緬其數。遷官博士。去領開州。大築學校。率衣冠游。溫湯之鹽。實不酬課。歲

獨百萬。奏自君可。氓疾不治。謁巫代醫。教以餌藥。盡投詭祠。失怙恃者。予其娶嫁。坐堂朝晡。飲酒閒暇。英宗纂極。員外于虞。比駕二部。閱最而除。今天子恩。始正卽位。攝舒朞年。條教逾肆。殍來鄰邦。賑使無儻。扶攜飽去。又遣之糧。敦於除害。未始愛力。取樅陽河。避羅刹石。折池口。征合于銅陵。官不失算。舟無危行人。幸是爲曠。數十載。趨令謹呼。無有稚艾。孤山馬當。歲漂百航。鑿秋口浦。直走雷江。脫險風濤。幾五百里。章隨驛聞。就付其事。方冬告役。君夏而殂。壽五十五。識者歎呼。齊公孫氏。作配甚似。封永康君。誕惟四子。端仁端義。端禮端智。仁中進士。常州司理。義郊社郎。餘則未仕。五女四人。歸爲士妻。石端侯彥。侯歸而罄。范胡二壻。純粹僧孺。幼處于家。君孫有五。男節符錢。其二則女。惟君平生。外晦內明。忤出不意。默無與爭。祿賜族媼。恩稱疎戚。庖無朝炊。笑語如昔。晚尤靜曠。病不告遺。極談性命。方絕之時。子丐埋辭。哀麓走汗。掇其緒餘。以質幽竊。京東提點刑獄陸君誌銘。提點京東諸州軍刑獄公事。兼本路勸農事。朝奉郎。尚書司封員外郎。充集賢校理。上輕車都尉。賜緋魚袋。借紫。陸君諱廣。字彥博。其先吳郡人也。至君之高祖。始遷福州之侯官。以避唐末之亂。曾祖諱景遷。仕吳越。爲驍騎上將。官檢校太傅。祖諱崇辰。以威武軍觀察。推官。從其王歸京師。官至殿中丞。歷知瀘道。潮貴四州。以卒。考諱中和。不仕。以君故。贈官至尚書職方員外郎。君以天聖二年進士起。至皇祐四年某月。以使走齊州。某甲子。卒於鄆之平陰。君子長倩等。以嘉祐四年某月某甲子。葬君杭州之錢唐某所之原。而書君繫世官職行能勞烈卒葬之地。一時以來求誌墓。銘曰。於惟陸氏。吳郡其始。福之侯官。近自唐徙。君曾大考。太傅將

軍實仕吳越。爲皇陪臣。太傅有子。始來皇朝。丞于殿中。歷將四州。卒葬侯官。實生處士。贈官職方。君實其子。維君諱廣。彥博其字。文辭甲科。四府從事。起家邵武。再遷徐州。遂監稅酒。滿歲陳留。許昌之招。甯海之從。乃令烏程。乃丞開封。始佐著作。去爲尉氏。詠歌仁民。無有壯穉。移邛大邑。告母高年。免蜀就養。稅商于泉。又移導江。斗穀千錢。君命賑之。以我公田。盜屠民家。尉以囚來。囚言實盜。君曰釋之。尉方力爭。衆亦莫寤。後得真盜。果如君慮。離堆之江。濠右擅焉。君修堰渠。始誦其專。灌田爲頃。萬有七千。鐫約示後。後無凶年。鄭文肅公來治杭劇。君以通判往從其辟。州人僦屋。吏代之輸。君爲創法。遂無逋租。中書遷君御史。推直有言朝廷。今以爲勅。冬狩于郊。大講戎兵。作箴以獻。逆戒荒萌。召眞集賢。以爲校理。當時名字。簡在天子。出知婺州。惡吏先鋸。募能拯溺。民以不漁。婺之明年。改命治泉。泉人習君。謠語譴然。爲橋南江。濟者免覆。置廩州學。士懷我育。有告衆叛。當君燕時。命捕立得。坐人不知。蘇饑息窮。去害除弊。使臣以聞。守政尤異。智高螫邊。吏不時搏。君書驛上。焯有方略。歸佐三司。廷論南師。帝曰可哉。汝言予施。河京以東。再執刑柄。誡囚于齊。至郿而病。棄世平陰。壽五十三。有子四人。扶喪而南。長倩惟伯。仲惟長緒。長恕惟叔。季惟長愈。倩掾秀州。敏有辭章。緒由君恩。郊社齋郎。又女六人。皆出陳氏。維陳淑慎。善相君子。四男有立。女亦有歸。受封長安。卽養無違。爰以嘉祐六年正月。歸君錢唐。范村之穴。前作嘉祐惟君靜深。不苟笑嘻。隆親篤友。遇物愛慈。讀書慨然。慕古奇偉。願謂諸子。仕當如此。官止外郎。尙書司封。又不得年。以旣厥庸。有文藏家。後世之詒。於君所得。可以此窺。有幽斯寤。掩石在下。撰君初終。以

告來者。張文潛王仲儒墓誌。有止仲河南王雯者。齒少。篤于自修。好學而能文。余聞之而未見也。紹聖四年。余以罪戾謫官齊安。一日。有客墨衰造門。視其謁。雯也。見余。則泣而言曰。先君與子舊矣。雯不幸既孤。將葬。而無辭以刻先君之墓。敢以是屬之子。某曰。余嘗見朝奉君于京師。其深者。某之陋所不敢知。而其粗與夫衆所譽者。竊聞之矣。不曰篤恭好學而廉儉者歟。敏于爲吏。愛民徇公。直已不撓于權者歟。然其人厚于實而薄于名。豐內而嗇外。世之君子未必知之。余嘗辱聞焉。則屬銘于余。固宜謹取其爵里行事敘之。曰。君曾祖諱恪。西頭供奉官。祖諱淮。越州諸暨主簿。贈太常博士。考諱起。尚書屯田員外郎。祕閣校理。贈左中大夫。君初補太廟齋郎。調陝府湖城縣尉。又爲澠池安邑二縣主簿。河中縣猗氏縣令。改宣德郎。監解州鹽池。兼知縣。覃恩遷通直郎。賜五品服。知孟州溫縣。遷奉議郎。加武騎尉。管勾京北排岸司。遷承議郎。加雲騎尉。監京米倉。遷朝奉郎。知德州。加飛騎尉。紹聖三年五月二十六日。棄于官。享年五十。以某年某月某日。窆奉君之喪。葬于河南府某縣某鄉某原。以夫人楊氏李氏。祔焉。銘曰。君諱仲孺。時中其字。世河南人。河清其里。以蔭筮仕。湖城是尉。湖廢官罷。留君一歲。實維相逢。從湖民意。其在安邑。涌水于野。邑人走祠。君鞭而罷。後令猗氏。有愛其民。既去十年。見之如親。實其耆老。以謂子孫。民居侵達。使者議毀。君紆其苛。一道是賴。安邑賈鹽。民富悍豪。君教之學。獎禮其髦。孝秀聿興。鄙悖茲消。西民餽師。履產輸泉。君力弛之。鰥寡用安。令溫治盜。曰姑安之。勿浚其姦。吏逸民嬉。盜悔而耕。厥壤大滋。邑豪坐獄。重賂而逸。君以奇購。唾手則獲。君之去溫。其民涕留。耆老百千。聲言于朝。

惟河內溫邑連部異。河內有請假君決事。後守德州。河溢而驚。羈民流殍。所活萬數。伍長驕悍。其將笮之。長以衆逃。斥將之疵。君謂長叛。首寘于罪。貸將不問。境爲無事。一時持權。爭欲用君。勉之比周。君爲不聞。云胡不淑。五十而償。君凡三娶。皆有婦道。粵初楊氏。其父曰慥。繼李父周。學士集賢。今夫人陳。姻黨稱焉。劉時張闕。又楊克中。皆其三子。惟德之仝。君三男子。惟雯在耳。進士登科。甚飭而藝。陶牙之原。鬱乎松楸。乘者下之。君子之正。劉莘老忠肅集。吳郡君誌銘。濮陽郡君吳氏。世家撫州之崇仁縣。贈太常少卿。諱鏞之孫。故都官郎中諱有鄰之子。故給事中。天章閣待制。致仕郭公諱申錫之夫人。郭公初娶陳氏。實爲我妣之妹。旣早亡。而再室。夫人某。以陳夫人故。數出入拜夫人。今諸子舉公夫人之葬。而以銘見屬。宜不宜辭。乃爲銘曰。懋惟吳宗。篤生夫人。其字道卿。其名嗣眞。○二十八歲。乃始有家。不逮事舅。姑壽則遐。○陳氏有子。六人皆幼。夫人撫之。已子不後。陳氏兄弟。間至猶昨。夫人遇之。已族不薄。給事立朝。侃侃言路。不以家卹。夫人之助。謫官濠梁。不以憂戚。姑尤安之。以時分力。○治平五年。從夫河中。九月十八。感疾以終。壽五十一。弗克永年。行豈不淑。而報乃愆。有男禮立。主將作簿。女亦一人。嫁宋文虎。居仁和縣。郡封濮陽。旣沒七年。給事亦亡。熙甯八年。仲冬一日。遂合陳氏。從夫幽室。畢仲游西臺集。倉部郎中王公誌銘。序中先詳載上書論河決事。罷官一節。後止載歷官及三代卒葬。月日并卒葬之地。餘皆見銘中。銘曰。王氏居孟。徙家河清。諱森者誰。大夫公名。茂其字之。公配張氏。繼者二室。曰江曰賈。皆祚大邑。有六男子。足侈公後。希道師覺。居長而茂。女實半之。厥孫則倍。六十有六。中壽之次。

樓攻媿林府君

諱頌興祖字

誌銘曰維林之先著籍于青五季避地遂居四明曾祖曰簡隱德自高祖諱

漫仕詔司戶曹財雄一鄉積豐施厚植德名堂用昌厥後父嵩孺科晚仕不顯節度推官官止清遠母

也馮氏賢如軻親君少挺特篤于自信○恂恂二子處恭事敬伯曰惟忠叔曰惟孝字之以全義方之

教叔既登科伯亦舍選人謂君家慶由積善伯也忽焉人疑于天宗一繼進纔閱三年夫人曰任克相

夫子叔官從政司越之理孫主邑簿宣之旌德次傳省仕不渝稯則壻曰周焯僅試一尉次曰楊忻孫

女惟二祖葬豐林遠七十里願依九京今從其志王晦叔雙溪集宜人汪氏墓銘曰歙中諸汪英濟

苗裔有御史潰生直五季時方亂離捍庇鄉里其後族居鱸溪之涘七世孫仔遺逸不仕號鱸溪翁以

德以齒婉孌宜人翁之孫女愛其敏慧聘不輕許炎與宜人姑舅兄媾瓜葛因依遂歸王氏方其初歸

夫家甚窶以姪從姑順承無忤攻苦食淡化治絲枲洎炎宦游相正以義流落江湖備嘗艱阻晚入中

都稍獲燕豫升爲命婦三拜恩賜豈意災生連失二子憂患之餘亦愆調護去國三年疾竟不起春秋

六十而又一歲宜人所生七男二女六子短折家督惟恕四孫差肩今方穉孺二女遠嫁閩山鄂渚屬

續之日不能奔赴既沒二年得地安厝洋峩之原環以流水鑿築幽居弗陋弗靡虛壙在左炎以自爲

百歲之後全居於此開禧改元月在建子望後八日幹乙支己揀茲良辰窀穸襄事川流不徙山鹿不

弛既吉且安永利後嗣元文類姚燧故民鍾五六君誌銘繫鍾徙吉潁川自迫於靖康釋騷避吉而

來岳世方四由元而富仕明至實生文興叔進字郎行五六以族次凡是四世皆不位吁哉五六遁迹

市乃如天啓所狀事。居家孝謹。文績綴。嚴訓厥子。俾知義。自奉殊貶。忘勤。居約以極。豐其積。此邦師之陶猗。視居鄉侃侃。和以易。不私其有。善分施。歲荒民飢。閔瘠瘁。發我廩庾。飫老稚。崩梁壞塗。捷石治。至今行者。賴其利。己丑之閏月庚出。年六十八。世乃棄。葬之三陽先墟。比黃室之子南秀嗣。南英南金。又其季。一女結褵。未決議。男孫滿十女半。是一庭變兮。貫魚似。椒聊蕃。升必天意。豈憐之家。久踣躓。一朝起行。當遐致。況如南秀。士服被。下及二季。皆學仕。始卑終高。若登陞。或者而宗。由昌熾。匍匐哀求。銘元誌。伊誰成厥孝子志。苟有善奚必門地。漢民仲山。凡豈意。奮華發隱。太史燧。宋本處士甄君碣。銘。應奉翰林文字。真定蘇天爵。伯修父持所著處士甄君行狀。求銘其墓。曰君鄉之先達。諱昌祖。字茂先。師侍其先生軸。交秋礪王公。憚俾天爵狀以謁銘。子者其子恆志也。銘曰。舜胄氏甄。代遐邇。君世有系。遠益略。茂先昌祖。字諱錯。無極。徙恆。遂地著。曾祖公亮。德潛。燦。祖讓。事金刺嵩。洛。考用致位。民部。幕。妣劉繼王淑。相若。君讀六經。得大約。母王滌。瀨。老致樂。築亭訪山。在負郭。木石與居。隱操。操。師軸友。憚。敬不諛。言倍過。行期救藥。經史傳集。浩以博。重屋。丁冊。示尊。開。修名。矚。然。日。孔。灼。蜀。憲。聘。掾。以。養。卻。戊。申。月。正。體。魄。落。歲。六。十。二。瘞。諸。俗。儷。代。之。王。賢。以。孀。倍。恒。補。吏。晉。臬。擢。女。章。變。兮。死。未。灼。子。子。克。敏。齒。踰。弱。王。侯。不。事。斯。道。卓。幹。母。之。蠱。子。職。恪。懿。君。學。易。協。準。矧。顧。親。小。祿。辭。不。諾。惟。古。逸。遺。名。不。燦。賴。士。載。辭。傳。磊。磔。抑。本。茲。銘。不。已。作。誰。之。言。者。蘇。天。爵。方。孝。孺。宋。仲。珩。壙。誌。銘。曰。璫。爲。君。名。仲。珩。字。金。華。其。居。宋。爲。氏。父。濂。名。儒。國。太。史。曾。祖。暨。祖。咸。善。士。德。政。文。昭。乃。厥。諱。君。資。粹。清。學。淳。美。文。辭。妙。麗。天。所。畀。

書尤有法配虞李中書舍人五官禩忠孝慎恭世儀軌三十有七庚申死季冬八月時加巳姪性迎喪友經紀明葬浦陽江東鄙耐母賈墓羅山趾仲夏某日襄厥事配方甚淑懌其子從太史行莫爲主嗚呼致斯果疇使埋石及泉載終始孝孺勒辭書鄭濟慈谿姜編修宸英作安城楊春華誌銘亦效此體表不用文

韓文公施州房使君鄭夫人殯表用七言詩十句而無文止仲以爲變例也。

誌表不敘事實

韓文公博士李君誌銘通篇只論服食之害王介甫寶文閣待制常公墓表通篇空論皆變例也。

銘詞異格

郭忠武王家廟碑顏魯公撰并書銘詞八章每章四言五句上四句巽陽皓東冥陽嘯支各間用韻末一句合八章全用仗韻此格前所未有。

一人兩誌銘

南史梁裴子野卒湘東王爲之墓誌銘陳于藏內邵陵王又立墓誌壙于羨道羨道列誌自此始焉案柳河東續榮澤尉崔君墓誌續太傅崔祐甫之辭也又亡姊崔氏夫人墓誌蓋石文有云我伯姊之葬良人博陵崔氏爲之誌敢附碑陰之義假茲石而書焉宋子京劉貢父皆有評事張晦之誌銘亦是一人兩誌全謝山集有續墓誌有墓石蓋文皆援柳州之例也又南史梁安成康王秀卒詔立碑誌當世高才游王門者東海王僧孺

吳郡陸倕彭城劉孝綽河東裴子野各製其文將擇用之而咸稱實錄遂四碑並建蔡中郎集胡廣陳寔各三碑橋玄楊賜胡碩各二碑水經注集古金石二錄隸釋張平子陳球各三碑祝陸郭禧劉寬秦頡趙越樊重各二碑魏黃權四碑則是東漢以來固有一人而至三碑四碑者南齊書豫章王嶷薨其子託沈約及孔稚圭爲文當是兩碑

兩人分撰誌銘

孫侍御志祖讀書脞錄云北史樊遜傳魏收爲庫狄干碑敍令樊孝廉作銘陸印不知以爲皆收作蓋古人碑文前敍後銘不盡出一人之筆也唐工部尚書來曜碑張鎬撰敍蕭昕撰銘南唐徐鉉徐鍇爲人誌墓亦一撰敍一撰銘並全此例近見王光祿鳴盛跋葉水心集云獨孤及至之毗陵集有正義大夫右散騎常侍贈禮部尚書李季卿墓誌銘至之作志尚書右丞賈至幼鄰作銘蘇許公瓌墓碑盧藏用作敍張說作銘皆一文而兩人共爲之玉繩案王厚之復齋碑錄梁太常卿陸倕墓誌從子襄序湘東王蕭繹銘集古錄梁開善寺智藏法師碑新安太守蕭幾敍隋上儀同楊綰墓誌許善心序虞世基銘金石錄惡子廟碑唐王岳靈序宋昱銘禹次碑鄭勛序元稹銘重建顏含碑晉江夏李闡撰傳曾孫宋延之銘十四世孫唐真卿書又復齋碑錄有重建龍興寺碑房瑄序蔡毋潛銘金石萃編周尉遲迥廟碑唐閻伯輿敍顏真卿銘武德九年宗觀記歐陽詢序并書陳叔達銘開元十三年述聖頌達奚珣序呂向撰頌并書天寶元年整屋縣樓觀元元靈應頌載璇序劉同昇撰頌文苑英華唐李父碑蘇頌序盧藏用銘元希聲碑崔湜序張說銘陰府君碑外孫某序張說銘顧少連碑杜黃裳序章夏卿銘錢竹汀詹事大金石文跋尾北齊武平二年朱岱林誌銘誌是第四子敬脩所撰而銘詞

則出于猶子敬範。乃敬脩從父兄也。岱林字君山。樂陵濕沃人。兄元旭。魏書有傳。岱林爲羣盜所害。故誌文有思與泣俱。文兼涕落之語。金石遺文。唐魏府君誌銘。誌乃其子魏知古自製。銘託其友崔融爲之。其略云。府君諱行覽。字宏之。鉅鹿鄆人也。春秋卅有一。以乾封元年七月廿六日。遘疾而終。夫人趙郡太夫人李氏。瀛州饒陽人也。以神龍元年冬十二月。遘疾。二年春正月。大漸。粵七日壬午。薨于東都綏福里第。時年七十有八。知古偷存視息。旬旬苦壤。或不忍言。粗陳實錄。友人國子司業清河崔融。文章冠代。敬託爲銘。宋文鑑。滕宗諒王公旦名昱字誌銘。末云。諸孤來乞文。以誌神隧。予不讓也。晏詹嗣而銘。歐陽公外集。河南府司錄張君誌銘。天水尹洙撰誌。渤海歐陽脩爲銘。張君改葬墓碣。亦云。河南尹師魯誌其墓。廬陵歐陽脩爲之銘。王禹玉華陽集。翰林侍讀學士賈君黯誌銘。云。太原王珪爲之序。成都范鎮爲之銘。凡此並兩人作一文也。

兩人共一誌銘

兩人共一誌。止仲舉曾南豐二女墓誌。黃山谷黃氏二室墓誌。玉繩案趙德夫金石錄。有益州刺史薛君巴郡太守劉君碑。隸釋有蜀郡屬國辛李二君碑。葉水心集有著作諱夙字正字諱朔字二劉公誌銘。有陳同甫名王道甫名白誌銘。唐順之爲賀氏孫楊氏妻誌銘。見文集。黃黎洲作余若水名遠名增周唯一名齊名兩先生誌銘。見南雷文約。皆合兩人爲一。此史家全傳體也。全謝山集華氏忠烈合狀楊氏四忠烈合狀屠蓋二君子合狀亦是援

用此

父子共一碑

陸放翁渭南集。詹朝奉靖之墓表。兼述其子長民事。末云。朝奉公之子阜民。以父兄遺事。屬予爲墓表。且曰。願共爲一碑。而疑古未有比。予謂石元懿公熙載及其子文定公中立。實全一碑。故相蘇魏公所爲。也是爲比。玉繩案。隸釋。鄭固碑。大男孟子有揚烏之才。年七歲而夭。建防共墳。配食斯壇。銘云。嗟嗟孟子。苗而弗毓。是子耐父葬共一碑。漢已有其例矣。金石萃編。唐葉有道碑。李邕撰。有道諱國重。道士葉法善之祖也。碑中兼敘其子贈歙州刺史慧明。全謝山有明嵩明州牧房仲錢公兩世窆域志銘。乃房仲與孝子叔美也。

兄弟共一碑

隸釋郎中馬江碑。述其中弟文緒。位主簿督郵。年卅二。早世短折。洪跋云。因全時改厝其季。故作碑併言之。其曰。東看祖禰。西瞻舊廬。可見其瘞以昭穆也。

自爲誌銘

唐以後史傳及名人文集。言自爲誌銘者不可悉數。蓋無使人飾美俾懷愧地下也。明劉大夏語案西京雜記。

杜子夏臨終作文曰。魏郡杜鄴。立志忠款。犬馬未陳。奄先草露。骨肉歸於后土。氣魂無所不之。何必故正。然後卽化。封於長安北郭。此焉寔息。及死命刊石埋於墓側。斯自作誌銘之始。趙嘉刻石墓前。其後也。嘉事見御覽五百五十八卷。引趙岐三輔決錄。

預乞人作誌銘

金石萃編。宋乾道五年袁渤撰。和州防禦使楊從義誌銘。公嘗託門下士朱澣昆季迹其行事。編爲陞除錄。一日公出示所錄。委勃爲誌。

父爲子乞誌銘

曾南豐光祿寺丞通判太平州吳君誌銘云。龍圖閣直學士給事中吳仲庶具書載其子業官世行治。屬余曰。吾子某不克壽。不得見其志。希得銘信後世。則某其不泯泯。尙足以慰吾思也。止仲謂父乞銘其子。亦是一例。玉繩案文與可丹淵集。有父爲子求人作誌銘一篇。咸陽主簿任君

父爲子撰文

子孫爲祖父撰文并書。金石刻中。及唐宋名家集多有之。不皆請乞他人也。而父爲子撰文并書者。惟唐高宗爲太子宏作孝敬皇帝叡德記一事。見舊唐書列傳。元文類。歐陽玄曾秀才一漢誌銘。一漢行述。其父似翁所作。

女爲父母立碑

水經沔水注。闕林山有郭先生碑。先生名輔。字甫成。有孝友悅學之美。其女爲立碑於此。隸釋。郭輔碑。其季女明文。潁川之夫人也。感惟考妣克昌之德。登山采石。致于墓道。案文云。有四男三女。咸高賢姣嫺。富貴顯榮。銘曰。堂堂四俊。碩大婉敏。娥娥三妃。行追大妣。乃季女獨任立碑之事。蓋諸兄讓爲之也。

妻作夫誌銘

夫爲妻撰文多有。而妻志夫墓者僅見。洪容齋五筆云。慶元三年。信州上饒尉陳莊發土得唐碑。乃婦人爲夫所作。其文曰。君姓曹。名因。字鄙夫。世爲番陽人。祖父皆仕於唐高祖之朝。惟公三舉不第。居家以禮義自守。及卒於長安之道。朝廷公卿。鄉鄰耆舊。無不歎息。惟予獨不然。謂其母曰。家有南畝。足以養其親。室有遺文。足以訓其子。肖形天地間。範圍陰陽內。死生聚散。特世態耳。何憂喜之有哉。予姓周氏。公之妻室也。歸公八載。恩義有奪。故贈之銘曰。其生也天。其死也天。苟達此理。哀復何言。唐世上饒本隸饒州。其後分爲信。故曹君爲鄱陽人。婦人能文。達理如此。惜其不傳書之。以裨圖志之缺。玉繩案高文虎蓼花洲閒錄云。熙甯末。洛中有人耕於鳳凰山下。獲石碣。方廣二尺餘。乃婦人撰夫誌銘。君姓曹氏。名禮。字禮夫。世爲洛陽人。三十歲。兩舉不第。卒於長安道中。朝廷卿大夫。鄉閭故老。聞之莫不哀其孝友。睦嫻。篤行。能文。何其天之如是耶。唯兒聞之。獨不然。乃慰其母曰。家有南畝。足以養其親。室有遺文。足以教其子。凡累乎陰陽之間者。生死數不可逃。夫何悲喜之有哉。丙子年三月十八日卒。以其年十月十五日葬于鳳凰山之原。予姓周氏。君妻也。歸君室八載矣。生子一人。尙幼。以其恩義之不可忘。故作銘焉。銘曰。其生也天。其死也天。苟達此理。哀哉何言。其生也浮。其死也休。終何爲哉。慰母之憂。二書所載碑文詳略不全。其說出土之由亦異。疑容齋得自傳聞。未見此碑。不若閒錄之可信也。曹君年僅三十而卒于丙子。當是高宗上元三年。

碑誌全文

文苑英華范傳正李太白新墓碑銘云。今士大夫之葬。必誌於墓。有勳庸道德之家。兼樹碑於道。余才術貧虛。不能兩致。今作新墓銘。輒刊二石。一奠于泉扃。一表于道路。亦峴首漢川之義也。

誌銘題後

陳書孫瑒卒。尚書令江總爲之誌銘。後主又題銘後四十字。遣左戶尚書蔡徵就宅宣敕鑄之。其詞曰。秋風動竹。烟水驚波。幾人樵徑。何處山阿。今時日月。宿昔綺羅。天長路遠。地久靈多。功臣未勒。此意如何。碑後附他氏

隸釋。綬民校尉熊君碑。於碑後空石。提行書茶陵長文春重安侯相杜暉二人官壽行事各數十言。與熊君絕不相蒙。洪跋云。似是全郡盛德之士。作文者惜其無所記錄。故附之左方也。玉繩案柳州亡友獨孤君碣。詳記其友之知名者於後。先府君神道表陰先友記。悉書天下善士六十七人。權德輿歙州刺史陸參誌銘。書其友李公受等七人。皆倣此例。朱竹垞太史尊倣柳州例。作周青士墓表。附故友九人。夫人書後

隸釋。金鄉長侯成碑。於銘後別行云。夫人以延熹七年。歲在甲辰。十一月三日庚午。遭疾終。

別爲銘書諱字

金石萃編。宋紹聖三年中散大夫王公神道碑銘。諱字不書於文中。特於序末銘前別爲銘曰。有宋達德

君子王公諱公儀字子嚴之碑此例他碑所無撰者王森也

誌銘後補書

錢竹汀金石文跋尾三續咸通十一年某君墓誌云葬于昭元里杜頭村之原而空處別有一行云續改地在廣孝鄉延壽里杜湖村之原又天福二年後晉贈太傅羅周敬墓誌云葬于洛陽縣之原而銘詞後有洛陽縣清封鄉積閭村九字此式它碑所未有玉繩案金石萃編北魏懷令李超誌銘文中不及妻與子女銘後提行別敘云妻恒農楊氏父談爲邠州主簿息女孟宜年卅六適恒農王始儁郡中正息女媛姿適遼西常彪侍御史息女仲妃適武威賈子謐涼州治中息道沖息女婉華息女依顏息女四輝息道逸年十六息道栖年十三兼書其年亦異又北魏刁遵墓誌題後列四世官位名字于首并列四世夫人及其父乃云公諱遵字奉國勃海饒安人銘後別云夫人高氏父允侍中中書監司空咸陽文公其實文中已敘高允以女妻遵事何以複出洪頤煊讀碑記贈兵部尚書韓國昌碑立於唐咸通十三年三月至十五年七月恩制改贈三代考妣卽附刊於末此式亦皆異也

書人脫誤不改

王蘭泉云唐張昕墓志祖宗隨襄城郡守和易二州刺史祖勣朝散大夫上柱國行閬州西水縣令父元禕中大夫行甯州長史昕之曾祖名宗失寫曾字後云窆葬於京城南杜城東二百步舊塋之禮也禮上亦有脫字又李光進碑旬有八日有下多書者字旁用點抹去古人依文入石如此玉繩案義興周

夫人誌銘。以茲吉辰赴杜城東郊之禮也。孫志廉誌銘。合葬府君夫人于長樂原之禮也。張安生誌銘。別兆葬于龍首原之禮也。王訓誌銘。遷厝萬年縣澹川原之禮也。真化寺尼如願誌銘。法葬于長安城南畢原塔之禮也。蓋唐時自有此文法。非字之脫。至石刻中誤字脫字。不可枚舉。大抵皆仍而不改爾。

誌銘用注

武明府億授堂金石跋云。唐鄭仁表撰。孔紆誌銘。出將句。旁注去聲。有病甚矣下。皆旁注句字。杜殷撰杜順和尙行記。稱擲于急流中而復見。旁注胡句反。並金石例所無。玉繩案柳仲塗作開府儀同三司檢校太師贈侍中孟公誌銘。乃孟昶之太子元喆也。有小注七處。范文正公胡尙書則誌銘有注。云王武恭公墓碑。太宗至道二年。遣五將校李繼遷至烏日池。不得進。富鄭公范文正誌銘有注。云時呂夷簡爲相。此例亦前未之見。華仲游作學文簡公士安傳自注凡十餘處。

誌用也字體

王介甫度支郎中葛公誌銘。葛公姓也。源名也。宗聖字也。處州之麗水。公所生也。明州之鄞。後所遷也。賈會大考也。遇大考也。旺累贈都官郎中。考也。進士。公所起也。洪州左司理。參軍吉州。太和縣主簿。江州德化縣令。監興國茶場。威武軍節度推官。知廣州四會縣。著作佐郎。知開封府雍丘縣。祕書丞。知泉州同安縣。太常博士。通判建州。屯田員外郎。知慶成軍。都官員外郎。知南劍州。司封員外郎。祠部郎中。江浙荆湖福建廣南提點銀銅坑冶鑄錢度支郎中。荆湖北提點刑獄。此公之所閱官也。州將之甥與異

母兄歐人而甥殺之。州將脅公曰：兩人者皆吾甥，而殺人者乃其兄也。我知之，彼大姓也，無爲有司所誤。不然，此獄也將必覆公，劾不爲變。此公之爲司理參軍也。州符徙吉水行令事，他日令始至，大猾輒誘民數有訟庭，下設變詐以動令。如此數日，令厭事，則作事常在吏矣。公至，立訟者兩廡下，取其狀視。有如吏所爲者，使自書所訴，不能書者，吏授之，往往不能如狀。窮輒曰：我不知爲此，乃某吏教我，所爲也。悉捕劾致之法，訟以故少。吏亦終不得其意。毛氏寡婦告其子，以恩義說之，不得，卽使人微捕得之。與間語者驗其對，乃書寡婦告者也。窮治其服，爲私謀誣其子孫。距州溪水惡，而歲租幾千萬，碩舟善敗，民以輸爲愁。公始議縣置倉以受輸，則官漕之亦便。州不聽，公論之不已，倉成。至今賴其利。此公之爲主簿也。中貴人擊驛吏，取所給過家以言府，府不敢劾。公曰：中貴人何憚爲吾民而有陵之者？吾亦恥之。上書論其事。中貴人坐絀，此公之爲縣於雍正也。屬吏常有隙於公，全進者因讒之。公察其旨，不聽，以爲舉首。此公之爲州於南劍也。鑄錢歲十六萬，其所施置，後以爲法程。此公之爲銀銅坑冶鑄錢也。鄂州崇陽大姓與人妻謀而殺其夫，州受賕出之。公使再劾，劾者又受賕，獄如初。而公終以爲不直。其弟訴之轉運使，雖他在事者亦莫不以爲冤，復置之獄。卒得其姦賕狀，論如法。此公之爲提點刑獄也。甲子四百三十五，公所享年也。至和元年六月乙未，卒之年月日也。潤州之丹徒縣長樂鄉顯陽村，公所葬也。嘉祐元年十月壬申，葬之年月日也。鄉邑孫氏，今祔以葬者。公元配也。萬年縣君范陽盧氏，公繼配也。良肱，良佐，良嗣，公子也。妻，太常博士黃知良，曰金華縣君，公女也。起進士爲越州餘姚縣。

尉。主公之喪而請銘以葬者。良嗣也。論次其所得於良嗣而爲之銘者。臨川王某也。困學紀聞云。歐陽公記醉翁亭用也。字。荆公誌葛源。亦終篇用也。字。蓋本于易之雜卦。韓文公銘張徹亦然。玉繩案。韓于張徹只銘中數語。爾介甫之前。柳仲塗。李守節。誌通篇用也。字。前見。後此汪藻。浮溪集主簿。胡君誌銘。傲此體。安定胡者。君族姓也。霖君濟者。君字名也。世家歛之婺源。嘗得奉新主簿以歸者。君爵里也。曰順宜。曰大明。居鄉稱善人長者。遺芳衍慶。逮其子孫者。君祖父也。少孤能自樹立。喜讀書屬文。與其兄學四方。要必自我起家。雖祁寒劇暑不置者。君志操也。以資長雄于鄉。務交結賢士大夫間。斥其餘。趨人之急。晚不樂試吏。居家以甘旨奉其親者。君行義也。築亭館溪山之間。藏書萬卷。以課子弟。蒔花萬本。以娛賓客。一時臺閣之彥。戚里之賢。交口譽君。以文紀其實。至無慮數百篇者。君能自適其適。而有聞于世者也。得年五十有三。以政和二年某月甲子。歿牖下者。君之始終可攷而無媿者也。曰清河張氏。宜家媿德。曰師禮。師雄。師念。崑然爲舉子之秀者。君之嬪息也。女一人。爲進士張亨龍妻。孫男女合會孫十人者。君之後將大而無窮也。六年冬十有二月某甲子。卜其家百步曰西園之右者。君之葬所年月也。孔子曰。隱居以求其志。行義以達其道。君子志義幾于兩得矣。而孤師禮又能狀君之行實。求銘于余。以行世傳後。其言皆合理應法。此余所以爲之銘而不得辭者也。

誌銘不納壙

金石萃編。乾符三年。瑯琊王夫人墓銘。乃中官強瓊之妻。在西安府崇仁寺。此銘與佛頂尊勝陀羅尼咒。

全刻一幢是不埋於窆中也。

誌文用君公字

隨園隨筆云。裴道安墓志。乃其族叔裴朏撰。稱道安爲君。杜牧誌其弟覬亦稱君。則碑誌之稱君。固不論尊卑也。玉繩案東漢魯峻碑。是子爲文刊石以述其父。而稱之曰君。魯公爲父顏君廟碑。稱父曰君。止仲載張宛正華陰楊君墓誌。通篇述其姪楊景之言。稱其叔父爲君。蓋古人通乎上下而稱之。又金石錄。漢故民吳公仲山碑。唐李勣碑。高宗御製并書。稱勣用公字。金石萃編。唐處士包公夫人誌銘。文中稱包君。故民也。處士也。臣也。而皆稱之曰公。亦例之異者。東魏司馬昇誌銘。除懷縣令。春秋卅有一。薨於懷縣。唐真化寺尼如願律師誌銘。律師薨于長安真化寺之本院。令卒尼卒。稱薨僅見。

婦人稱君

元姚牧菴集有提刑趙公夫人楊君新阡碣銘云。古邦君之妻。邦人曰小君。禮士喪妾不得匹其夫。必曰君妻。曰女君。羊祜妻封萬歲鄉君。則令甲郡縣君之始。余故不敢氏夫人而君之。此發例之最新者。然顏魯公撰其姑殷府君夫人碑。稱君。司馬溫公敘其夫人清河郡君張氏。稱之曰君。東坡亡妻王氏誌銘。亦稱君。王介甫撰其妹長安縣太君王氏墓誌。君十四而嫁。五十一而老。五十六而卒。則已前此矣。

出妻合葬

文選劉先生夫人墓誌。暫起荒塋。長扃幽壙。夫貴妻尊。匪爵而重。李善注云。王僧孺劉氏譜曰。嚙取王法

施女蕭子顯齊書曰王氏被出今云合葬蓋殲卒之後王氏宗合之出妻合葬此例未見唐書公主傳中宗第三女定安公主嫁王同皎同皎得罪嫁韋濯濯誅更嫁崔銑主薨同皎子請與父合葬給事中夏侯銛曰主義絕王廟恩成崔室逝者有知同皎將拒諸泉銑訴於帝乃止此與被出異

尼稱法師禪師和上

梁沈約有比丘尼僧敬法師碑集古錄唐孟法師碑法師名靜素江夏安陸人少而好道誓志不嫁卒年九十七錢竹汀金石文跋尾法琬法師碑中宗之三從姑出家時年十有三卒卅有九金石萃編唐宣化寺比丘尼堅行禪師塔銘俗姓魚氏京兆府櫟陽人春秋七十有六唐濟度寺比丘尼惠源和上神空誌銘大師諱惠源俗姓蕭氏南蘭陵人厭世示疾以開元廿五年九月二日謂門人曰身沒之後於少陵原爲空遷吾神也享年七十有六竹汀跋云神空者墓而不塔也文苑英華權德輿安國寺契徵和尚塔銘和尚俗姓權氏法諱契徵以初笄之年被服緇褐建中二年九月六日冥然化滅

銘在文前

盧學士文昭羣書拾補云見通鑑補遺後蔡中郎集太尉橋公廟碑舊本銘在前以光光烈考爲第一段公諱某

字公祖至書於碑陰以昭光懿此依水經注爲第二段橋氏之先爲第三段其後卽係以黃鉞東鼎中鼎西

鼎四銘其事本相連屬明張溥百三名家本於此篇大移易後來刻本皆依之蓋止見近代碑誌銘在後故改藝集以從今其如與蔡文中所云不合何玉繩案銘在文前古人碑誌未見

撰人書人篆蓋人列名前後

歐陽公爲尹師魯作誌銘。與尹林書曰。刻石時首尾更不要留官銜題目。及撰人書人刻字人等姓名。晉以前碑皆不著撰人姓名。此古人有深意。久遠自知。篆蓋祇著尹師魯墓四字。其告之詳如此。然所謂古人深意。却不解何意。玉繩案東漢石刻。未嘗不列撰書及鐫字姓名。如隸釋隸續敦煌長史武斑碑。末一行云。紀伯允書此碑。堂邑令費鳳碑。其妻弟卜君作。費鳳別碑。石勳作。青衣尉趙君羊竇道碑。末一行云。書此盛巨。武都太守李翕。西狹頌後一行云。從史位下辨仇靖字漢德書文。李翕析里橋郿閣頌後二行云。從史位下辨仇靖字漢德爲此頌。故吏下辨仇紉字子長書此頌。延熹八年老子銘。邊韶作。司隸校尉楊孟文頌。漢中太守王升字稚紀作。司隸校尉楊淮表記。全郡卞玉字子珪追述。皆見於文中。至刻字人如石經。陳興。樊敏碑。劉盛息懍書。頤南源隸辨云。劉刻石而子落筆也。孔耽碑。朱適朱祖。郿閣頌。南字。四威明。西嶽華山廟碑。潁川郿公脩蘇。下五字。半刻。白石神君碑。王明熊君碑。春陵陳福孫。吳禪國山碑。殷政何赦。以後刊匠不可枚舉。是知此例實始於漢。何論魏晉。特款式與今多異耳。因就金石萃編所載摘舉數條如左。

撰人書人署名於銘之後。梁始興忠武王碑。東海徐勉造。吳興貝義淵書。口刻字。唐房彥謙碑。李百藥

撰。歐陽詢書。

在碑側。

裴鏡民碑。李百藥製。殷令民書。

撰人書人前後單列分列。北魏陸希道誌銘。後側面單列一行云。前涼州刺史。兼吏部郎中。陳郡袁纘。

字景翔制銘

兼著其字亦用漢碑例也

東魏太公呂望碑末另行云通直散騎常侍聘梁使平東將軍中書侍郎恒

州大中正修左史汲郡太守穆子容山行之文唐蓋文達碑前一行云尙書上柱國燕國公子志甯字

處謐作此文孔穎達碑前一行云禮部尙書兼太子左庶子上柱國黎陽縣開國公子志甯字仲謐撰

處仲異文尉遲敬德碑前一行云高陽郡開國公許敬宗撰肅師亮誌銘前一行云中大夫行薛王友顏惟

貞撰郭思謨誌銘前一行云進士吳郡孫翌文高延福誌銘前一行云麗正殿修撰學士校書郎孫翌

字季良撰法藏禪師塔銘前一行云京兆府前鄉貢進士田休光撰文淨業法師塔銘前一行云正字

畢彥雄文思恒律師墓誌前一行云鄆縣尉常闕名文貞和上塔銘前一行云緱氏縣尉沈興宗纂尹尊

師碑前一行云銀青光祿大夫行太子右諭德兼崇文館學士上柱國平涼縣開國公員半千撰王履

清碑前一行云朝散大夫行河中府功曹參軍上柱國賜魚袋上谷侯冕撰張敬銑誌銘前一行云鄉

貢進士河東薛長儒撰而皆不列書者姓名唐杜君綽碑前一行云殷王府闕下高正臣書張阿難碑前

一行云瑤臺寺僧闕名書令狐德棻碑前一行行剝泐只存政書二字李孝同碑末一行云許州臨潁縣令

諸葛思楨書張希古墓誌前一行云雁門田穎書段行琛碑前二行云朝請郎檢校尙書刑部員外郎

兼鳳翔少尹侍御史賜緋魚袋張增書朝議郎行鳳翔府闕字縣尉李同系篆額而皆不列撰人姓名

唐獨孤仁政碑前一行云劉待價撰末一行云吏部常選宏農劉珉書泌州刺史馮公碑前一行署崔

尙撰末一行云國子監丞太原郭謙光書楊岐山甄叔大師塔銘前二行云沙門至閑譚瑯琊王周古

額篆末一行云書碑人僧元幽皆前後分而署之也錢竹汀金石文跋尾續元至正三年濟陽縣曲堤

鎮大成廟碑凡屯戌之所稱鎮元時正奉大夫山東東西道肅政廉訪使王士熙撰翰林學士承旨榮

祿大夫知制誥兼修國史知經筵事張起巖篆中順大夫西蜀四川道肅政廉訪使楊僖書碑刻篆額

人例在書者之後此獨起巖列僖前當自起巖先達不欲多上之耳又至正十四年濟南郡宣懿公張

宓碑翰林國史院編修官李國鳳撰文亦起巖篆額皆列名于前而書丹者為宓之從子景德則退居

碑末並例之變也東魏李仲璇修孔廟碑任城王長儒書刻於碑側東魏義橋石像碑穆洛書大覺寺

書于碑末年月日之後隋陳叔毅修孔廟碑仲孝俊作文書於碑末唐御史臺精舍碑前題中書令崔

暹任殿中侍御史日纂文後題開元十一年殿中侍御史梁昇卿追書唐華嶽精享昭應碑前題平陽

威鳳撰末題彭城劉升書唐任城縣橋亭記列撰人游芳書者王子言而記末題篆額人王日雲唐嵩

陽觀聖德感應頌李林甫上裴迴題額徐浩書題額人一在碑末一在書人之前皆見金石萃編又蒼

崖云柳州羅池廟碑前列韓愈撰

沈傳師書而碑末題陳曾篆額

文中敍撰書篆人

金石萃編北齊隴東王孝感頌為申嗣邕撰書碑篆額者為梁恭之文中敍云開府中兵參軍梁恭之盛

工篆隸騎兵參軍申嗣邕微學摛藻並應命旨俱營頌筆唐于志常碑令狐德棻撰其子立政書文中

敍云太僕少卿上護軍立政有至性善居喪佳城之下滕公有見日之期萬山之巔元凱懷沈江之慮
敢因斯義敬託雕鏤護軍彭陽公敦煌令狐德棻爰自青襟便申莫逆豈謂後事之託竟屬元常碑字多泐
故官階序蘇許公碑張說撰銘盧藏用撰序并書序中藏用不自署銜名而於說詳載云中書侍郎全
文不全錄

中書門下平章事。昭文館學士。兼修國史。皇太子侍讀。范陽張說刊石紀頌。詞如清風。文苑英華。元希聲碑。崔湜序。張說銘。盧藏用篆。序云。余與公一遇相得。二紀全游。追慨疇曩。援毫涕集。公執交南陽。張說。范陽。盧藏用。當代英秀。文華冠時。而盧兼有臨池之妙。故張述銘。盧篆石。天下稱是。碑有二美焉。張說。平貞春碑云。俾余作頌。布哀豐石。少子授八分之妙。獨善當時。公平日惠愛。故存之刊刻。顏魯公元結墓碑云。中書舍人楊炎常袞皆作碑誌。以抒君之德業。故吏劉袞等感念舊恩。竭資鬻石。願垂美以述誠。真卿不敏。嘗忝次山風義之末。尚存靈往。敢廢無媿之辭。王禹玉華陽集。王懿敏公素誌銘云。余與今參知政事馮公當世。少從公游。及公薨。余自次公平生所爲作銘。而當世爲公書。旣又樞密相文潞公爲篆公之銘。蓋呂陶淨德集。都官員外郎趙君誌銘云。某與君進士全時。旣銘其墓。乃請於太常吳公爲之書。又請於紫微李公爲之題。蓋韓元吉南澗棗。龐祐甫誌銘云。予收涕作銘。以成祐甫之誌。而鄱陽章甫冠之爲書於石。姚牧菴鍾君誌銘。末云。奮筆發隱。太史燧。方正學。宋仲珩。壙誌銘。末云。孝孺。勒辭書。鄭濟。

兼書碑陰

唐開元時。立後周尉遲迥廟碑。閻伯璵敘。顏真卿銘。蔡有鄰書。并陰。謂兼書碑陰也。此例未見蒼崖舉之。書碑銜名年月別題。

金石萃編。開元十五年。北嶽恒山祠碑。張嘉貞文。暨書。文前嘉貞官銜姓名。及碑末建立年號。月日爲李

克嗣題。此例所稱見。祠廟非墓石。附識之。

塔銘非僧

金石文字記。天寶三載。騎都尉薛良佐塔銘。再從兄鈞撰。弟良史書。文云。年止廿八。卒于里第。塔於鍾南山。施陔林善知識之次。此官而葬以僧者。事之變格。卽文之變例也。更有異者。金石萃編。協律郎裴公。故妻賀蘭氏誌銘云。泊大漸。移寢於濟法寺之方丈。粵翌日奄臻其凶。春秋卅有四。卽開元四年十二月十日。至十九日遷殯於鷓鳴堆。實陪信行禪師之塔禮也。以婦人而卒移于寺。葬耐于塔。其夫裴公尚存。恬不爲怪。而猶謂之禮。何哉。

父子撰書列名

金石萃編。唐代國長公主碑。前二行云。駙馬都尉鄭萬鈞撰文。男聰書。夫撰文而子書之。全列名於前。亦是一例。

僧書碑附婦人書碑

唐內侍將軍張阿難碑。瑤臺寺僧書。阿難宦寺。僧爲書碑。宜也。金石錄。唐楊隱碑。中官楊思勳之父。義男之金石。無乃領軍將軍上柱國乙速孤神慶碑。宏文館學士苗神客撰。而書者爲釋行滿。王蘭泉云。卿

大夫墓碑。用方外人書。不多見也。王繩案。唐貞元時。張說夫人樊氏墓誌銘。沙門至咸撰。亦奇。又案。開元廿九年。太原府交城縣石壁寺鐵彌勒像頌碑。前一行云。前濮州鄆城縣尉林諤撰。次行云。太原府

參軍房璘妻渤海高氏書。三行云。朝議郎太原府司錄參軍事常山蘇侑題額。婦人書碑僅見。附識于此。集古錄疑好事者寓名以爲奇。然謂高氏所書又有安公美政頌。則非寓名矣。趙子函石墨鐫華稱其筆法遒勁。信足名家。

書人不署姓

唐元和九年。河南府司錄盧公夫人崔氏誌銘。殿中侍御史內供奉寶崇直撰。公燮書。公燮不署姓。或公姓又宋淳化二年。徐休復拜文宣王廟記。前一行。但云給事中撰。不署姓名。更爲勦見。

撰書人稱號

海甯錢廣伯馥曾爲予言。在友人家見洪武五年合肥人張處士墓誌。獨楓居士撰。并書。案金石無稱號之例。然金石錄唐檢校太子少保田公碑。嵩山布衣書。大興翁學士方綱兩漢金石記。元皇慶三年鄆陵縣儒學教諭李警撰。重立漢尹宙碑記。古洧歲寒野人王克讓書。丹金石萃編。唐貞元十三年鹽池靈慶公碑陰記。五老山人劉宇撰。并書。宋天禧三年教興頌。虛儀先生撰。金正大五年重修濟瀆廟記。種竹老人撰。乃知古人固有以號著於石刻者。不足異也。瘞鶴銘署華陽真逸。則又前此矣。

書碑字異

東魏興和三年李仲璇修孔廟碑。任城王長儒書。雜篆分隸草於正書中。一行之內。各體相間。此式甚奇。明郭宗昌金石史。趙頤石墨鐫華。及顧亭林朱竹垞並非之。然不可不知古人有此一種。蓋因三體石

經而變其格也。郭忠恕三體陰符經以篆爲大字，而分注古隸於下，亦倣石經。

刻石異式

唐文貞公宋璟碑及碑側記，皆顏魯公撰并書。此碑兩面一側俱刻碑文，其一側刻碑側記，述廣平逸事，補碑中所未及。又顏氏家廟碑，茅山李元靖碑，殷府君夫人碑，皆魯公撰書，兩面兩側環刻，凡文多而限于碑制者，可倣此式鐫之。

立碑無文

南齊書文獻王疑傳亦云有碑無文

御覽五百八十九卷引李綽尙書故實曰：東晉謝太傅墓碑樹貞石，初無文字，蓋重難製述之意。

文不用碑

文有刻於墓前石人者。陳子昂河內縣尉陳該石人銘是也。恭承遺言立石人兮，金刻丹書，記歲辰兮，青龍甲午，銘茲墳兮。有刻於石塔

者。蘇頌唐故悼王石塔銘是也。葬萬安山之東南嶺，壘石塔一丈於其土。有刻於石柱者。張說涼州長史元仁惠石柱銘是

也。篆刻揚名，亭亭華表。並見文苑英華。

誌銘廣例

間書先世

集古錄。劉熊碑。光武皇帝之元。廣陵王之孫。俞鄉侯之季子。不書曾祖金石錄。臧伯著碑。勃海君元孫。季景長子。不書曾祖及祖隸釋。蔣君碑。祖考交州刺史。從父交阯太守。不書父衡立碑。曾祖父以儒林清節。官至左馮翊。及父。案文苑英華。金石萃編。唐宋名人文集。此類甚多。不勝摘舉。蓋用漢碑例也。

書先世異稱

梨洲云。范育呂和叔墓表。稱曾祖爲皇考。祖爲王考。庾承宣爲田布碑。稱曾祖爲大王父。柳州柳府君墳前石表辭。稱高祖王父。曾祖王父。祖王父。玉繩案高祖曰高門。見唐段行琛碑。曾祖曰曾門。亦見行琛碑。及唐濟度寺尼惠源誌。叔祖母曰季祖母。見漢曹全碑。或謂稱庶祖母非王介甫主客郎中王公及陸廣葛源誌銘。稱曾祖爲曾大考。祖爲大考。

祖父書號

止仲云。黃山谷瀘南詩老史君誌銘。嘉州生溥。不出仕。號江陽隱君。江陽生回。能詩。自號知非子。知非生宗簡。名能。知人善料事。自號天和子。天和子實生詩老。例無書祖父之自號者。此書之亦一例。玉繩案周益公知潼川府何耕誌銘。大父延世。號休菴。居士段元愷誌銘。父冲。字謙叔。自號潛叟。

母不書姓

止仲舉李文公兵部侍郎贈工部尙書武公墓誌。旣書丁尊夫人憂。又母母夫人暴卒。朱文公司農寺丞翁君墓碣銘。旣書調某官以母喪不赴。又書以少母喪去官。皆不書母姓。王繩索文苑英華碑誌類中。多有不書母姓者。但曰母夫人。曰太夫人。曰先夫人。

間書妻先世

韓文公集賢院校理石君誌銘。娶彭城劉氏女。故相國晏之兄孫。不書祖父少尹李公誌銘。公之配曰彭城劉氏夫人。夫人曾祖曰子元。祖曰餗。不書父案文苑英華諸碑誌中。多有此例。

妻不書姓

文苑英華楊炯昭武校尉曹通碑。夫人某官之女也。權德輿王公端神道碑。夫人累贈隴西郡太夫人。又云前此夫人歿於洛師。俱不書姓。

不書夫姓名

葉水心虞夫人誌銘。但云歸其夫云。夫死。自治塋宅云。卒年七十七。從夫葬山陰縣承務鄉道木原。而不書夫之姓名。此例未見。觀集中祭虞夫人文。殆有所爲而不書歟。其子名子純。進士第一人。官至兩制。

書子不書妻

韓文公柳子厚誌銘。子男二人。長曰周六。始四歲。季曰周七。子厚卒。乃生女子二人。皆幼。子厚娶楊憑處女。先卒。不書。

士盧君誌銘。有男十歲曰義。女九歲曰孟。又有女生。處士卒後未名。清河郡公房公墓碣銘。其子越能。輯父事無失。王介甫金溪吳君誌銘。君母夫人既老。而子世隆。世範。皆尙幼。三女子。其一卒。其二未嫁。胡君誌銘。子七人。某舜元爲善士。梨洲云。書子不書妻。周隋間多有之。至唐如孫述誌李嵩。獨孤及誌姚子彥。皆然。

不書妻而書妾

梨洲云。婢妾所生之子。書其子。不書其母。古例皆然。至元而壞之。玉繩案柳河東祕書郎姜君墓誌。子某年若干。母曰雷姬。則有不書妻而書妾者矣。周益公宋待制誌銘。生母令人崔氏。胡泳誌銘。事所生母袁氏。盡敬。固有書妾者矣。至止仲舉陳后山魏嘉州墓銘。既書兩母之氏。封。又特書所生何氏。別封旌德縣太君。以其有封也。他若柳河東太府李卿外婦馬淑誌。氏曰馬。字曰淑。生廣陵。母曰劉。父曰總。李君納爲外婦。卒年二十四。元微之葬妾安氏誌。子稚。男荆。母曰安氏。字仙嬪。韓魏公安陽集有太夫人胡氏墓誌。乃專爲其人而作。故備書之耳。

書未娶

柳河東試大理評事裴君墓誌。未果娶。有男子二人。女一人。男女蓋微出也。文苑英華李華元魯山墓碣銘。不及親在而娶。既孤之後。單獨終身。杜牧裴希顏誌銘。不娶無子。曾南豐張久中誌銘。亦書未娶。又劉原甫皇再從姪克壯石記。年十有七。尙未娶。故無後。

書子女先後

凡書子女。或單書長嗣。而不詳敍子女之名數。或統於其父。而總書子女若干人。或以初娶後娶所生之子女而分書之。若誌婦人。則單書所生之子女。大抵皆男女異長。男先女後。不凌雜也。乃有女先乎男者。韓文公朝散大夫尙書庫部郎中鄭君誌銘。初娶吏部侍郎京兆韋肇女。生二女一男。後娶河南少尹趙郡李則女。生一女二男。四門博士周況妻韓氏誌銘。開封尉諱俞之女。開封娶趙氏。生二女二男。河南緱氏主簿唐充妻盧氏誌銘。父貽。娶上黨苗氏。生三女二男。白香山有唐善人建李墓碑。有二女五男。元微之贈太子少保崔公誌銘。前夫人滎陽鄭之尙女。七女三男。又有子女以年爲次者。金石萃編北魏懷令李超誌銘。息女孟宜。息女媛姿。息女仲妃。息道沖。息女婉華。息女憇顏。息女四輝。息道逸道。栖。又有先庶後嫡者。柳河東朗州員外司戶薛君妻崔氏墓誌。薛君名異與之他姬子。丈夫子曰老。女子曰張婆。妻之。女子曰陀羅尼。丈夫子曰某。實後子。

書妻妾異稱

初妻稱元室。見唐常袞叔父員外郎誌銘。及宋汪藻衛膺敏滕子濟墓誌。亦稱元娶。見金石萃編宋范子嚴墓誌。妾稱少房。見宋金華方愚菴墓版文。梨洲拈出。全謝山集中引用之。妾母稱少母。止仲舉朱文公司農寺丞翁君墓碣銘。以少母喪去官。又元文類元明善袁君夫人史氏誌銘。少母張氏。

書孫異稱

漢劉熊碑。光武皇帝之元。漢尹宙碑。東平相之元。會稽太守之曾。皆省去孫字。顏魯公錢唐縣丞殷君夫人碑。傲之。又兄弟之孫稱猶孫。元微之李公建墓誌銘。夫人房氏在太尉瑄爲猶孫。

書女出家

碑誌中書女爲尼爲黃冠者多有之。而唐初尤甚。雖帝主顯家。競披緇入道。蓋當時風尙如此。不足爲異。所異者。唐睿宗以金仙玉真二女爲道士。資天皇太后之福。法婉法師乃唐中宗之三從姑。父臨川公德懋。捨爲尼。以資其父襄邑王神符冥福。時年十三。可謂佞而愚矣。梁肅李縣丞夫人梁氏誌銘。晚歲修釋氏法。命第四子爲沙門。

書已嫁復歸

張說李氏張夫人誌銘。夫人寡居無子。以歸宗焉。梁肅御史李君夫人蕭氏誌銘。夫人無子。晝哭之後。歸于其宗。韓文公盧處士誌銘。育幼弟與歸宗之妹。經營勤甚。東坡范蜀公誌銘。女一人。嘗適左司諫吳安時。復歸以卒。張文定公誌銘。亦書女已嫁復歸。王禹玉華陽集翰林侍讀學士賈君黯誌銘。母陳氏。繼母史氏。陳初歸其宗。父戒君他日能自顯。則往迎之。君卒。迎陳母歸。封仁壽郡太君。史封唐安郡太君。劉賈父賈君。公行狀同。陳后山仲父資官縣尉陳君誌銘。娶某氏。不終。故其葬不祔。周益公蔡子亨誌銘。四女。其一旣嫁復歸。元文類。盧摯趙宣慰淇誌銘。女淑儀。以疾絕婚歸甯。

書祖母曾祖母改適附外家

王禹玉辜氏誌銘。著作佐郎。兪充之母。充祖蚤世。祖妣陳氏再從人。葉水心徐公德操誌銘。父澤少孤。母劉夫人挈

之從呂氏。因以所從爲姓。及公仕。始復姓徐。樓攻魏。簽書樞密院事。正惠林公神道碑。曾祖祿。太子少保。妣陳氏。延甯郡夫人。祖邦。太子少傅。妣姚氏。高平郡夫人。考茂臣。太子少師。妣李氏。信安郡夫人。皆以公貴。追贈。初少傅。隨母嫁盧氏。再世承其姓。公始復爲林。又韓魏公安陽集太夫人胡氏墓誌云。夫人父寬。始仕孟氏。太祖平兩川。例遣歸闕。生夫人於京師。久之不得調。卒。夫人從母李氏適故秦王牙吏王慶。王被譴。左右皆得罪。家族無依。遂以夫人歸於太師。是魏公爲側室所出。而生母之母嘗改適也。寓鄭公撰魏公父國華神道碑。止書魏公嫡母羅氏不及胡氏。

書母改適附妹

韓文公中大夫陝府左司馬李公誌銘。岷爲蜀州晉原尉。生公。未晬以卒。無家。母抱置之姑氏以去。歐陽公范文正公神道碑。公生二歲而孤。母夫人貧無依。再適長山朱氏。名文翰。官溫州長史。既長。知其家世。感泣。公

自刻苦。舉進士。爲廣德軍司理參軍。始迎其母以養。及貴。贈公考諱壙爲太師。妣謝氏爲吳國夫人。高公撰范公墓誌全。曾南豐錢純老誌銘。公幼孤。家貧。母嫁。既長。還依其族之大人。樓攻魏。朝散郎李公誌銘。公

八歲而孤。未幾。所生母展氏去。以叔父直閣延賞補將仕郎。詣行在所。至江州水南。始遇展氏於廛中。抱持相哭。別十餘年。而得奉色。養者二十年。贈安人汪浮溪右文殿修撰趙公億誌銘。公四歲而孤。外家奪母志。屹然自立於齟齬之中。攻魏主晉雲臺觀趙公善鑿誌銘。女弟再適人。皆竭力資遺。

書妻改適

梨洲云。張景妻唐氏再適。宋祁載之。書妻變例也。案止仲舉陳了齋太令人黃氏誌銘云。先適大中大夫孫公諱迪。次適中奉大夫游公諱潛。子男三人。謬爲孫氏子。玉繩案劉貢父大理評事張晦之誌銘。委禽於唐氏。生子一。早夭。晦之卽世。以歲之不易久而去室。晦之有兩墓誌。宋文鑑收。宋子京傳。韓元吉安人盧氏誌銘。夫年十七。嫁復州教授周君之才。有子與女三人矣。周君不幸卽世。夫人居且十年。逮終姑喪。乃若有所不容者。夫人之母徐遂以夫人歸徐氏。名人傑。官考功郎中。太恭人李氏誌銘。夫人初適符寶郎錢端義。生一女子矣。而寡。爲朝請大夫祕閣修撰韓公繼室。名繼球。字美成。汪藻令人施氏誌銘。令人毘陵施氏。朝奉郎知臨安軍贈少師諱辨之子。全郡孫氏爲朝請郎致仕贈中奉大夫諱庭臣之繼室。令人年十七。適胡氏。逾年而嫠。會中奉求繼室。徧國中莫如令人之賢。少師亦以非中奉無足當令人者。乃彊奪其志歸之。

書女改適

梨洲云。韓文公三女。其長女初適李漢。改適樊宗懿。誌書壻左拾遺李漢。聳集賢校理樊宗懿。聳卽壻之別名。此皇甫持正變例也。玉繩案文苑英華張說撰睿宗七女郾國長公主神道碑銘云。求之令族。嬪于薛氏。名敏。有男子四。女子五。其後君子晨歌。夫人晝哭。朝制斷恩。改降鄭氏。名孝。均養七子。休蔭二宗。沈亞之郭駙馬誌銘。乃汾陽王第四子。矍之少子。名失。尙西河公主。西河主前降吳興沈氏。生子男一人。皆直書不諱。勒諸碑石。唐史公主傳有再嫁三嫁者。又樓攻媿朝散郎李公誌銘。女二人。長適姜處俊。再適夏祖禹。次適登仕郎王祐之。周益公靖州太守李君發誌銘。一女適右朝奉郎知邕州葛永慶。再適奉議郎前

知南安軍南康縣彭邦光。葉水心錢表臣誌銘。一女先嫁戎知剛。再嫁某官。翁誠之誌銘。三女。次嫁分水縣令馮遇。遇死。再嫁進士何某。陸放翁王尙書佐誌銘。女四人。長適温州平陽縣主簿梁叔括。叔括卒。再適提舉湖北路常平茶鹽張孝曾。止仲云。陳了齋仁壽縣君高氏誌銘。書女適某官。姓某。再適某官。姓某。

生卒書時

梨洲云。凡書生卒。止書某年某月某日。不書某時。案朱文公劉樞密墓記。范直閣墓記。皆詳書其生之年月日時。止仲舉之矣。玉繩案。梁簡文帝陶先生墓誌銘。大同二年三月十二日癸丑巳時。華陽洞陶先生蟬蛻于茅山朱陽館。金石萃編。唐淨藏禪師身塔銘。寂滅以天寶五載十月廿六日午時。楚金禪師碑。以乾元二年七月七日子時。右脇薪盡火滅。雪顏如在。吳楊溥時龍壽院光化大師碑銘。吳大和六年中秋二十八日夜子時歸真丈室。宋西平公石保吉碑。以大中祥符三年四月二日晡時。啓手足於豐義坊之私第。樓攻媿知江州汪公誌銘。外祖少師生於熙甯十年。年六十一。季舅始生年丁巳時。庚申。皆與少師全。周益公清遠縣令鄧君洵侯誌銘。卒年七十六。君以十月十九日昧明生。其死也。月日時適全。方正學宋仲珩誌銘。三十有七。庚申死。季冬八日時加巳。明文範張侍徽輯張邦奇按察副使張昺誌銘。公生正統癸亥九月二十二日寅時。卒正統庚寅九月二十七日子時。配杜氏。生正統乙丑九月八日丑時。卒正德丙子三月二十五日丑時。則六朝以來已有書時者矣。

書月時之異

止仲云。朱文公范直閣墓記。生年不書甲子而書釋歲。謂元獸敦胖上章執徐。卒年亦然。又一例也。案金石萃編唐潘府君智昭誌銘。以戊子歲實沈月五日癸酉殯于長安龍首鄉。未署云。天寶七載七月五日景時。實沈者七月也。景時者午時也。月用星紀。時用干維。他文未見。惟北齊書南陽王綽傳。有景時。錢竹汀金石文跋尾卷六。憫忠寺一條云。遼金石刻之文。多有甲時。乾時。庚時。坤時。蓋以甲乙丙丁庚辛壬癸乾坤艮巽代十二支也。

書卒之異

顏魯公徐府君神道碑。夫人春秋六十有八。棄堂帳于相州之安陽。文苑英華穆員梁慎初誌銘。子賁奉先公之裳帷以安窆焉。李華李司馬誌銘。迎裳帷於太原。歸安洛汭。權德輿王刺史夫人崔氏誌銘。奉二尊裳帷。間關道途。獨孤及獨孤公夫人韋氏墓誌。啓手足之日。長幼號咷。以轉袂裳帷。遷于洛陽。權德輿杜岐公誌銘。十一月辛未。啓手足。京師安仁里。季少安誌銘。喪服甫除。俄啓手足。常袞楊靈則誌銘。啓足牖下。梁肅皇甫縣尉誌銘。啓手足於嘉興縣私第。金石萃編宋李宗諤石保吉碑。啓手足於豐義坊之私第。又文苑陳子昂爲其父元敬誌銘。隱化于私宮。申州司馬王府君墓誌。遷神於某原之陽。范傳正李太白墓銘。遷神於青山。柳宗元崔敏誌銘。遷神於舟。他若道士卒曰解駕。梁陶宏景隱居集許長史墓誌。僧曰遁化。顏魯公李元靖先生碑。尼卒亦曰遷神。萃編李志。唐興聖寺尼法澄塔銘。曰遷化。唐宣化寺尼法捨壽。尼法願誌銘。僧

卒曰遷形亦曰遷化。

萃編唐道安禪師塔記及僧惟新等經幢

又文苑白居易興善寺大徹禪師碑。僧臘三十九。報年六十。

三。權德輿契微和尚塔銘。報年六十二。經夏四十一。梁肅開元寺曇律師塔碑銘。報年八十。僧夏六十。

一。劉禹錫牛頭山融大師新塔記。報身示滅。李吉甫徑山寺大覺禪師碑。報齡七十九。呂溫南岳彌陀

寺承遠和尚碑。報齡九十一。許堯佐東林寺熙怡大師碑銘。報齡七十一。萃編田休光唐法藏禪師塔

銘。報齡七十有八。無撰人。唐朗空大師塔銘。報齡八十五。又文苑李華中岳越禪師塔記。凡入諸佛正

位二十九夏。存父母遺體五十九年。鶴林寺徑山大師碑銘。菩提位中。六十一夏。父母之生。八十五年。

葬地書向

隸釋郎中馬江碑。先君之庚地。文苑英華權德輿李雍誌銘。與子洪洞君庚申分穴。張說馬府君碑。夫人

穴於兆之甲。大夫窆於域之庚。杜工部集祖母范陽縣太君盧氏墓誌。入著作之大塋。我太君用甲之

穴。順壬取甲。金石萃編唐候官縣丞湯華誌銘。歸葬于明州鄞縣龍山鄉江上里庚向之原。韓魏公韓

愷誌銘。於相州安陽縣新安村先塋東百步之近。得地吉。用丙穴以葬。王禹玉呂諫議公綽誌銘。公考

終之歲。以十月朔謁告拜文靖墓。召寺僧指地之北偏曰。余其歸此。明年遂葬。公于鄭州新鄭縣懷忠

鄉神崧里。從文靖之塋。乃先指之壬吉。果符其言。銘亦云。公歸其一。在地之壬。葉水心鮑清卿誌銘。葬

於父朝散墓東壬山。堪輿家羅經之術。見於文中。漢以來有之矣。

